



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno DLIII. ad annum DLXXVII.

**Parisiis, 1644**

Epistola Epsicoporum Provinciae Tvronicae Ad Plebem Missa post  
Synodus suprascriptam.

**urn:nbn:de:hbz:466:1-15324**

ANNO CHRISTI 567. re, quod iniuste occupabat, responderit: *Sive iniuste, sive iniuste reddi debeat, me regnante hanc basilicam non habebit.* Quo sacrilegio cum haud dubie diuinum numen grauissime offendisset, paulo post regno simul & vita iussu Dei vindicis exutus fuit.

[*Pretextatus.*] De Prætextato, Germano, Felice, Domitiano & Domnulo hic subscriptis episcopis, vide quæ dixi supra, &c.

EPISTOLA  
EPISCOPORVM PROVINCIAE  
TVRONICÆ AD PLEBEM MISSA  
post Synodus suprascriptam.

*Hortantur ut imminentem cladem auertere studeant: ideoque nuptialia vota differant, rerum omnium decimas persoluant, cum inimicis redeant in gratiam; mancipiorum etiam decimas offerant, & qui mancipiis carent, pro singulis filiis singulos dent tremisses. incestas denique coniunctiones dissoluant.*

PONTIFICALIS est ordinis, ad suam solitudinem infatigabiliter reuocare, quidquid ad correctionem populorum, imo magis filiorum spiritualium, quantum est fas intelligere, cognoverit pertinere; & non, quod absit, cum suo periculo alienæ spei per suam negligentiam facere detrimentum, si quod ad generalis salutis spectat compendium, sedulo necesse est prouidere tractatu. Denique pastor cum lupo videtur connuentiam facere, si permittit rapere, cum possit obstatre: præsertim cum sermone prophetico animæ commissæ plebis requirantur ad singula de manibus sacerdotis. Vnde quantæ culpæ teneantur reatu dominante subiectus, qui cessat alicui poculum sanitatis porrigere, quod cum non dederit alteri, se facit extingui, & in se vindictam videtur excipere, de qua crimen alter admisit, cum vix quisque sufficiat sua flendo facta purgare? Sed ne alieni facinoris teneamur adstricti, ecce oris nostri buccina ad aures omnium personarum: neque se deinceps excusabit non monitum, qui quod sequi debeat tam verbis, quam literis edocetur. Sed sicut nos incessanter dicere, ita vos decet libenter audire: vt nec nos semen in spinosam segetem videamus effundere, nec vos patiamini sterilis agri culpa damnari: sed commune sit gaudium, quod a nobis panditur, & a vobis impletur; vt cum dominus yniuersæ messis aduenient.

*Concil. Tom. 12.*

Iii

rit, & terra de fecunditate, & mereatur agricola gloriari de fruge. Itaque, filii carissimi, qui estis partus diuinæ gratiæ, beatæ fructus ecclesiæ, regeneratio baptismi, possessio cœli, membra Christi, redhibitio regni, vestra palma, nobis corona, salubri admonitione opportunum duximus admonere, quoniam peccatorum nostrorum in præcipiti mole crescente, videtur cladis grauissimæ necessitas imminere, nec alibi refugium inuenire, nisi ad illius præcepta recurrere, qui vitam nostram sua morte voluit reparare: vt si qui ex vobis sunt in sponsali pactione deuincti, nec adhuc in matrimonii foedere copulati, nuptiarum suarum eti definitum iam tempus sit, licet Apostolo vota nuptialis permittente; nos tamen consilium dantes hortamur, vt iusto moderamine debeant ad præsens differre, dupli conditione compulsi, vt aut ira Domini per castigationem corporis, & sinceritatem cordis, oratione assidua valeat mitigari; & cum tranquillitas obtineri meruerit, tunc sine suspicione interitus possint vota celebrari festiuæ: aut certe si hoc illi de nobis placuerit qui condidit, vt quoscumque iusserit, de corpore cogantur migrare, vel fit iustæ consolationis cautela, vt anima de sæculo non abripiatur immunda, nec grauior esse incipiat mors futura, quam erat præsenti de funere, si postmodum pro crimine non pena sanguiret. nam istud admitteretur facillime, si nos post casum requies inuitaret. Illud vero instantissime commoneamus, vt Abrahæ documenta sequentes, decimas ex omni facultate non pigeat Deo pro reliquis, quæ possidetis, conferuandis offerre: ne sibi ipse inopiam generet, qui parua non tribuit, vt plura retentet; & quod dicendum est verius, suum persoluat premium, ne se trahi videat peccato dominante captuum: quia certe ulterius mercatorem suæ erectionis non inuenit, qui hic redemptori resistit, cuius vox satis intonat dicens: *Eleemosyna extinguit peccatum.*

*Genes. 14.*

*Ecclesi. 3.*

*Luc. 11.*

Item: *Date eleemosynam, & omnia vobis munda erunt.* Quare autem illi de suis non offeras, quod cum dare videris, non amittas? Faciat se unusquisque de rebus alienis gratuitum, ne cum nihil habeat proprium, nec aliud præparet inimicum. Ergo si quis in Abrahæ conlocari vult gremio, eiusdem non repugnet exemplo: & soluat eleemosynæ premium, quisquis optat regnare cum Christo. Illud etiam re-

ANNO CHRISTI 567. petita voce monentes hortamur, ut si quis alterius caritatis offensam (quod absit) incurrit, odium vice mutua relaxantes, in amplexu veræ concordiae festinat iam celerime conuenire. Quid enim in vacuum dimitti sibi peccatum desiderat, qui inimici delicta dimittere non exoptat; cum prima sit eleemosyna non querere de peccante vindictam, sed contra reddere beneficia pro querela? Et licet superius dictum sit, ad exemplum Abrahæ decimas offerri debere: attamen propter cladem quæ imminet, hortamur, ut etiam unusquisque de suis mancipiis decimas persoluere non recuset: quia dicitur in illa infirmitate ad diuisionem nescio quam venire personas, quasi nouem auferat, decimam ut relinquat. Vnde satis congruet cum mercede animæ unum soluere, ut nouem non possit amittere, quam cum peccati crimine & reliquos perdere, & quem dare noluit, non habere. Quod si mancipia non sint, & fuerint aliqui habentes binos aut ternos filios, per unumquemque singulos tremisses in episcopi manu contradat, aut quem suo loco pontifex elegerit, assignare non dilatet, quod possit in captiuorum redemptionem conferri: ut cum sic agitur, & praesentis iræ remotio, & merces proficiat in futuro. Si qui vero incesta se coniunctione vici sunt copulasse, in quantum ratio admittit, hortamur etiam, & pro salute vestra rogamus, ut iuxta Canonum statuta usque ad maiorem Synodus separentur: ne si voluntate implere distulerint, caelesti (quod absit) facere incipient ultione. Quæ congrua monita, sicut decet, ab spiritualibus filiis admonemus in omnibus recipi salubriter & impleri: quatenus qui ad bonum opus mentis deuote respicit, ipse quod rogatur repensem.

In Christi nomine Euphronius episcopus plurimum saluto.

In Christi nomine Felix episcopus plurimum saluto.

In Christi nomine Domitianus episcopus plurimum saluto.

In Christi nomine Domnolus episcopus plurimum saluto.

NOTA IACOBI SIRMONDI

SOCIETATIS IESV.

<sup>1</sup> Epistola episcoporum. ] Nunc primum edita ex aliquot manuscriptis, sed mendosis. Pertinere autem ad Synodum Turonensem argumento sunt episcopi, qui subscribunt.

Concil. Tom. 12.

l. iiiij